



Saksnr.	Utval	Møtedato
040/25	Styret i Bordgleder Kinn kommune KF	05.12.2025
134/25	Kommunestyret	16.12.2025

Bordgleder Kinn kommune KF - Driftsbudsjett, økonomiplan og investeringsbudsjett 2026-2029 - justert framlegg

KOST- 134/25 Vedtak:

1. Kommunestyret vedtek drifts- investeringsbudsjett for 2026 og økonomiplan for 2027-2029 slik det ligg ved denne saka.
2. Kommunestyret godkjenner handlingsplan for Bordgleder i 2026 slik den ligg ved denne saka.
3. Budsjett og økonomiplan skal samsvare med Kinn kommune sitt budsjett og økonomiplan for same periode.

Vedtak som innstilling frå Styret i Bordgleder Kinn kommune KF - 05.12.2025

1. Kommunestyret vedtek drifts- investeringsbudsjett for 2026 og økonomiplan for 2027-2029 slik det ligg ved denne saka.
2. Kommunestyret godkjenner handlingsplan for Bordgleder i 2026 slik den ligg ved denne saka.

Innstilling frå dagleg leiar:

1. Kommunestyret vedtek drifts- investeringsbudsjett for 2026 og økonomiplan for 2027-2029 slik det ligg ved denne saka.
2. Kommunestyret godkjenner handlingsplan for Bordgleder i 2026 slik den ligg ved denne saka.

Bakgrunn for saka:

Styret i Bordgleder vedtok budsjett- og økonomiplan i styremøte 22.10.2025. Denne saka vart lagt fram for formannskapet den 27.11.2025, utan at formannskapet gjorde anna vedtak enn å ta saka til vitande. I same formannskapsmøte handsama formannskapet saka «Oppfølging av økonomiforutsetningar - Bordgleder KF», formannskapet si sak 139/25. Formannskapet fatta slikt vedtak i tråd med kommunedirektøren si innstilling: «Arbeid med å økonomisk omstilling og tilpassing av Bordgleder KF vert lagt tilgrunn slik det går fram av saka, og med dei vilkår som kommunestyret fastset i samband med handsaming av budsjett/økonomiplan for 2026-29.»

Saksopplysningar:

Styret hadde i forkant handsama same sak og fatta slikt vedtak:

«Styret viser til rapporten frå Deloitte, som viser at alternativet med eit KF er ca 1,8 millionar kroner rimelegare enn å avvike KF og legge dette inn i kommunedirektøren si styringslinje som ei ordinær teneste utan eksternt sal. Bordgleder KF bidreg såleis til at kostnaden ved å produsere mat til omsorgstrengande i kommunen blir vesentleg rimelegare for Kinn kommune.

Styret har eit stort fokus på å auke eksternt sal, noko dagleg leiar jobbar med kontinuerleg. Som det framgår av styret sitt vedtekne budsjett og økonomiplan er det budsjettert etter eit forsiktigheits- og forsvarlegheitsprinsipp der ein berre har lagt til grunn faktisk påreknelege kostnader og inntekter jf. kommunelova § 14-4 tredje ledd.

Styret legg til grunn at eksternt sal vil auke, men finn det vanskeleg å budsjettere med dette før ein har meir konkrete avtaler som gjer at realisme kravet i kommunelova vert stetta. Dette er også i samsvar med tilbagemeldingar ein har merka seg frå det politiske ordsiftet om Bordgleder.

Styret har forståing for at det er krevjande økonomiske tider for kommunen som konsern, og vil sjølv sagt rette seg etter det budsjett kommunestyret vedtek og styre etter det etter beste evne og vilje. Også om kommunestyret vedtek eit budsjett med høgare budsjettert eksternt sal. Likevel finn ikkje styret å kunne tilrå ei slik underdekning som reelt er konsekvensen av kommunedirektøren sitt framlegg, og vil oppmode om at det budsjett og økonomiplan som styret allereie har vedteke blir lagt til grunn.»

Konsekvensen av formannskapet sitt vedtak er at Bordgleder KF sitt budsjett og økonomiplan skal justerast slik at den årlege meirkompensasjonen som kommunedirektøren budsjetterer med, på kroner 3 millionar kvart år i 2026 og 2027, ikkje skal vidareførast i resten av økonomiplanperioden altså 2028 og 2029.

Med støtte i dei nye og uavhengige rapportane som er utarbeidd for økonomien til Bordgleder KF, vil Bordgleder KF påpeike at allereie i dag bidreg Bordgleder til at heilt naudsynte tenester som matomsorg i Kinn kommune, blir minst 1,8 millionar kroner rimelegare i Florø-delen av Kinn på grunn av måten Bordgleder er organisert og effekten av eksternt sal. Konklusjonen er klår: Om ein sluttar med eksternt sal og avviklar føretaksmodellen, så må kommunen betale meir for desse tenestene. Å framstille dei nemnte 3 millionane som ekstra overføring, vert såleis ikkje rett. Det rette er at kommunen betalar langt mindre enn faktiske kostnader, for dei tenestene dei får levert. Når ein vel å ta vekk denne kompensasjonen for varer og tenester frå og med 2027, så må det hentast inn med auka eksternt sal og effekten av dette. Enten sal skjer til andre kommunar eller føretak.

Som oppmoda rettar styret seg etter vedtaket i formannskapet og legg med dette fram ny sak for kommunestyret om budsjett og økonomiplan, med dei føringane formannskapet og kommunedirektøren har bede om.

Med henvisning til kommunelova § 11-8 andre ledd har styreleiar avgjort at sak om justering av budsjettet vart avgjort skriftleg, fordi det er «påkrevd å få avgjort en sak før neste møte, og det enten ikke er tid til å holde et ekstraordinært møte, eller saken ikke er så viktig at et ekstraordinært møte anses som nødvendig.» Styret har førehandssamtykka til ei slik løysing, fordi budsjett og kommunedirektøren sitt framlegg, har vore diskutert grundig i styret i samband med førstegongs handsaming av dei to respektive sakene som er nemnt i denne saka.

Behandling i Kommunestyret 16.12.2025:

Ordførar informerer om at eit punkt 3 har falt ut:

3. Budsjett og økonomiplan skal samsvare med Kinn kommune sitt budsjett og økonomiplan for same periode.

Røysting:

Innstilling frå formannskapet, inkl. punkt 3, samrøystes vedteke.

KOST- 134/25 Vedtak:

1. Kommunestyret vedtek drifts- investeringsbudsjett for 2026 og økonomiplan for 2027-2029 slik det ligg ved denne saka.
2. Kommunestyret godkjenner handlingsplan for Bordgleder i 2026 slik den ligg ved denne saka.
3. Budsjett og økonomiplan skal samsvare med Kinn kommune sitt budsjett og økonomiplan for same periode.

Behandling i Styret i Bordgleder Kinn kommune KF 05.12.2025:

Med henvisning til kommunelova § 11-8 andre ledd har styreleiar avgjort at sak om justering av budsjettet vart avgjort skriftleg, fordi det er «påkrevd å få avgjort en sak før neste møte, og det enten ikke er tid til å holde et ekstraordinært møte, eller saken ikke er så viktig at et ekstraordinært møte anses som nødvendig.» Styret har førehandssamtykka til ei slik løysing, fordi budsjett og kommunedirektøren sitt framlegg, har vore diskutert grundig i styret i samband med førstegongs handsaming av dei to respektive sakene som er nemnt i denne saka.

Røysting:

Innstilling frå dagleg leiar samrøystes vedteke.

BOGL- 040/25 Vedtak:

1. Kommunestyret vedtek drifts- investeringsbudsjett for 2026 og økonomiplan for 2027-2029 slik det ligg ved denne saka.
2. Kommunestyret godkjenner handlingsplan for Bordgleder i 2026 slik den ligg ved denne saka.

Vedlegg i saken:

Budsjett, økonomiplan og investeringsbudsjett 2026-2029 justert
Handlingsplan 2026